

四庫全書

子部

# 欽定四庫全書

子部

普濟方卷二百三十九

詳校官太醫院院使<sub>臣</sub>張學基

編修<sub>臣</sub>倉聖脈覆勘

總校官中書<sub>臣</sub>朱鈐

校對官中書<sub>臣</sub>范來宗

謄錄監生<sub>臣</sub>江晉

欽定四庫全書

普濟方卷二百三十九 明

周王朱橚 撰

諸蟲門

諸蟲 附論

夫人腹中有屍蟲此物與人俱生而為人大害屍蟲之  
形狀似犬馬尾或如薄筋依脾而居乃有頭尾皆長三  
寸又有九蟲一曰伏蟲長四分二曰蝟蟲長一尺三曰  
白蟲長三寸四曰肉蟲狀如爛杏五曰肺蟲狀如蠶六

曰胃蟲狀如蝦蟇七曰弱蟲狀如瓜瓣八曰赤蟲狀如  
生肉九曰蟯蟲至細微形如茱蟲伏蟲則羣蟲之主也  
蝨蟲貫心殺人白蟲相生子孫轉多其母轉大長至四  
五丈亦能殺人肉蟲令人煩滿肺蟲令人咳嗽胃蟲令  
人嘔吐胃逆喜噦弱蟲又名膈蟲令人多唾赤蟲令人  
腸鳴蟯蟲居腸胃之間多則為痔劇則為癰因人瘡瘻  
即生諸癰疽癰癰癰疥齧蟲無所不為人亦不必盡有  
有亦不必盡多或偏有或偏無頽婦人常多其蟲凶惡

人之極患也常以白鹽草沐浴佳根葉皆可用既是香草且屍蟲所畏也○凡欲服補藥及諸病皆須去諸蟲并疾飲宿醉醒後除盡方可服補○凡得傷寒及天行熱病腹中有熱又人食少腸胃空虛三蟲行作求食蝕人五臟及下部若齒斷無色舌上盡白甚者唇裏有瘡四肢沉重芴芴喜睡當數看其上唇內有瘡唾血唇內有粟瘡者心內懊懣痛悶此蟲在上蝕也○九蟲皆由臟腑不實脾胃俱虛雜食生冷甘肥油膩鹹等物節宣

不時腐敗停滯所以發動又神志不舒精魂失守及五臟勞熱又病餘毒氣血積鬱而生或食果蔬與畜獸內藏遺留諸蟲子類而生蟲之為候嘔惡吐涎口出清水痛有去來乍作乍止寸白蟲色白形扁損人精氣力乏腰疼蜣蟲細如米蟲能為痔痿瘡癩疥癰癰疽等患寸白蜣蟲是三者皆九蟲數中之一物也外此有兒童疳蠱昏睡煩燥鼻爛汁臭齒齦生瘡下痢黑血蟲食下部為狐下唇有瘡蟲食其臟為上唇有瘡。三蟲者為

長蟲燒也乃有九種而燒蟲及寸白人多病之寸白從食牛肉飲白酒所成相連一尺則殺人服藥下之須結裏潰然出盡乃佳若斷者相生未已更宜速除之燒蟲多是小兒患之大人亦有其病令人心痛清朝口吐汁煩燥則虛弱而動或因食甘肥而動其發動則腹中痛發作種聚行來上下痛有休息亦攻心痛腹中熱口喜吐涎及吐清水貫傷心者則死診其脉中痛其脉法當沉弱弦今反洪而大則煙蟲也

方

鶴蝨丸

出聖惠方

治積年常患諸蟲心痛吐水不能食

鶴蝨

附子

狼牙

檳榔

乾漆

搗碎炒令煙出

白朮

甘草

陳橘皮

已上各一兩

吳茱萸

三分湯浸

乾姜

三分狼

毒

一兩半

右為末煉蜜和搗三百杵丸如梧桐子大不計時

候以粥飲下十五丸

木香檳榔丸

殺下諸蟲



鷄心檳榔

一兩

木香

鶴蝨

貫衆

錫灰

乾漆

使君子

輕粉

二錢

雷丸

巴豆

各二錢半

右為細末飛白麵糊丸麻子大每服二十粒五更粥飲下或菖蒲石榴根煎湯下

蝦蟇丸

出直指方殺蟲

大蝦蟇乾

木香

鷄心檳榔

貫衆

桃仁

苦楝根

各三錢

酸石榴根皮

三錢 蕪荑

二錢 鶴蝨

二錢 巴豆

肉

二錢半

右為細末糯米粉糊研丸麻子大每服十丸五更石  
菖蒲煎湯下

硃砂丸

出直指方殺諸蟲

鶴蝨

蕪荑

乾漆

殭蚕

各三錢

貫衆

酸石榴

根皮

晒乾各半兩

硃砂

雄黃

雷丸

甘遂

各一錢半

右為細末粳米粉糊丸麻子大每服十丸五更粥飲  
下

木香三稜散

出瑞竹堂方

治腹中有蟲面色痿黃一切積滯

黑牽牛 大腹子 檳榔 雷丸 錫灰 三稜

蓬朮 木香 大黃

已上各一兩

右為末每服三錢空心用蜜水調下或沙糖水亦可  
須先將燒肉一片口半嚼之休嚥下吐出口中血汁  
後服藥

取蟲積

檳榔 半斤 牽牛 雷丸 三稜 二兩 蓬朮 二兩 苦楝皮 一兩

大黃 四兩 皂角 半斤 隨意加木香

右為末煎皂角膏子打糊丸如香黍大每服二錢四  
更時分冷茶清下小兒一錢下蟲白粥補大效

追蟲丸

雷丸

一兩

白蕪荑

一兩

檳榔

一兩

使君子肉

半兩

白朮

半兩

黑

牽牛

一兩

大黃

一兩

當歸

一兩

右為末不可見火用麵糊為丸如桐子肉大每服三  
十丸小兒七丸或三丸量人虛實勞症柳桃頭湯五  
更下小兒沙糖空心下諸雜病薑湯送下

勝金丸 治蟲動心痛不可忍

貫衆 白殭蠶 蕪荑 乾漆 檳榔 桂

各一兩

厚朴

一兩半

雷丸

右為末煉蜜丸梧桐子大每服十五丸空心食前溫漿水下初服三五日取下諸蟲乃效若蟲多即服藥十以上曰方驗

鶴蝨散 治取男子婦人腹內諸積蟲積無時攻心疼痛及口中及大便時有蟲者服之立效

雷丸 鶴蝨 黑狗骨 使君子 苦楝根 檳

榔 各一  
兩 加輕粉一錢

右為末每服三錢葱白五根熬湯稠滴小油少許入藥內五更服如要服此藥隔夜不食夜飯次早五更空心燒猪肉二兩重喫後却服藥若大便踰時不行單用牽牛頭目末三錢漿水調服取下蟲物有一托長餘節節相連屢見效

蒼朮澤瀉丸

出拔  
粹方

胃為三焦相火盛而制陽明燥金故

木相侮木主生五蟲所以胃中有蟲也因多食熱物  
胃大熱若瀉三焦火熱退則使金得氣而制木木既  
受制五蟲不生而自愈矣

蒼朮

去皮  
三兩

澤瀉

桔梗

各二  
兩

地榆

一兩

皂角子

秦

朮

二兩

右為末燒飯為丸桐子大食前溫水下三十丸或酒  
米飲下一方無秦朮

萬靈丸 治取蟲宣積

黑牽牛

一斤取頭末  
十五兩生用

荆三稜

五兩蓬朮

煨三兩

大腹子

一斤取  
七兩

雷丸

五兩

廣木香

五兩

右為末和勻用好紫色皂角半斤去皮弦碎用水兩大碗浸一宿冬月兩宿撈去麤滓銅磁器內熬數沸白沫出為度放冷和藥必須淨杵搗丸梧桐子大每服四錢重五更用沙糖水送下溫冷不妨至天明去利四五行者看取下是何蟲積溫白粥補之忌生冷腥硬之物孕婦勿服



無憂散 治男子女人小兒諸般蟲積已未成癰瘕脾

疳及膀胱陰囊腎腫婦人血蟲如懷鬼胎月水不通

并一切危急之症悉皆治之

白牽牛

二兩半

白蕪荑

用末二兩

檳榔

去皮用末二兩

黑牽牛

一兩

大黃

半兩

雷丸

半兩

右為末勻和一處每服四錢用蔥白根熬湯五更服  
次早大便中方見藥力之效小兒或一錢二錢大小  
加減

石榴枝散 治蝨蟲寸白等心腹疔痛

東引石榴根

一兩 膩粉 一錢

剉炒

陳橘皮

去白 焙 半兩

檳榔 草薺

各一兩

右搗細散每服二錢空心煎棗湯調服日晚再服

白朮丸 治諸蟲

白朮

四兩 澤瀉

二兩 地榆

枳實

皂角子

各一兩

右為細末燒飯為丸桐子大米飲或白湯或溫酒下

化蟲丸 治腹中有塊以起手按之不見作聚往來痛

無休止亦治心痛五更心嘈牙關強硬嘔吐涎沫清水及夢中齧齒面色青飲食雖多不能肌膚或寒或熱沉沉嘿嘿不知病之去處有蟲不療則子母相生無有休止長一尺則害人

胡粉

炒五分

鶴蝮

錢三

白礬

錢五

檳榔

錢五

苦楝根

錢五

右為細末麵糊丸如麻子大每服十五丸溫漿入生麻油一兩點打勻下溫米飲下亦得不拘時候其蟲細小者化為水大者自下

檳榔丸

出聖惠方

治諸蟲心痛多吐四肢不和冷氣上攻心

腹滿悶

檳榔

鶴蝮

桂心

吳茱萸

陳橘皮

已上各一兩

右為末煉蜜和搗百餘杵丸如梧桐子大不計時以熱酒下三十丸一方療煙蟲心痛以蜜湯下三十丸

蟲出為度忌生葱

治諸蟲心痛

出聖惠方

酸石榴枝

桃白皮

各一兩

陳橘皮

一分

高良薑

半兩

檳

榔一  
兩

右細剉和勻每服半兩水一盞煎至五分去滓不計

時稍熱服之

桃皮湯

出千金方

治蟯蟲蛔及痔瘻蟲食下部生瘡

桃皮

艾葉

各一兩

槐子

三兩

大棗

三十枚

右咬咀以水三升煮取半升頓服之良一方麝搗篩

每服三錢水一盞煎至六分空心食前夜卧各一服

酒螞膏

出直指方

殺諸蟲

醇酒

蓋一蜜三

錢蜀漆

一兩

右銅銚內慢火同熬可丸即丸彈子大每服一丸溫酒化開朝晚服之蟲自下

化蟲散

出直指方

雷丸

二個

鷄心櫛榔

二個

鶴蝚

一錢

使君子

七個

右為末入輕粉少許分作兩服當晚用猪精肉一兩切成片皂角漿浸一宿至五更微火炙熟又用紫清油拭肉候溫取一服藥末摻於肉上略烘過空腹食

之至已刻蟲自下乃飲食一方無鶴蟲

補金散

出拔  
粹方

治諸般蟲

鶴蟲

雷丸

定粉

錫灰

已上各  
等分

右為末每服三錢空心小油調下又用猪肉一兩燒熟摻藥在上下細嚼亦得用翎掃甘遂末一錢與前藥一處服之其蟲自下

治諸蟲在胃中漸漸羸瘦

鷄子白

蠟

三分乾漆

蜜

一分

右藥於銅器中以慢火煎令可丸即丸梧桐子大每服空心服以粥飲下七丸漸加十丸當下諸蟲變為黃水

乾漆散 治諸蟲痛

乾漆 雄黃 檳榔 訶梨勒

右為散每服五分入麝香少許用葱汁生油調空心服

青橘丸 治諸蟲動發上連心痛



青橘皮 蕪荑 貫衆 雷丸

右為末煉蜜丸如梧桐子大每服二十丸食前橘皮湯下加至三十丸蟲下為度

蕪荑散 取諸蟲

鷄心檳榔 蕪荑 木香

右為末一服當晚先煎酸石榴根湯至五更喫炙肉一片嚼細引蟲上至喉以石榴根湯煖溫調藥服蟲自軟而下

漆香散 治大人小兒腹中蟲動痛發不止

乾漆 雄黃 麝香

右先搗乾漆為末次入雄黃麝香再同勻以蜜器盛之每服一錢苦楝根湯調下食前小兒以意加減

皂莢丸 治心痛如蟲咬

皂莢 杏仁

右先搗羅皂莢為末次與杏仁相和搗為丸如小豆大每服七丸粥飲下發時喫

乾漆湯 治蟲咬心痛

乾漆 胡椒

右搗篩每服一錢水一盞入葱白一寸麝香少許煎

七分去滓溫服

檳榔丸

出聖惠方

治諸蟲心痛多吐四肢不和冷氣上攻心

腹滿悶

鶴蝨

一兩

乾漆

一兩

搗碎

右為末煉蜜和丸如梧桐子大每服十丸不計時以

醋湯下

又方

出聖惠方

東引石榴根

一兩判

膩粉

右用水一大盞煎石榴根至五分去滓調膩粉以利下蟲為效

制諸蟲方

出本事方

白蕪荑

檳榔

各一兩

右為細末蒸餅丸如梧子大每服十五丸至二十丸

溫湯下

治諸蟲心痛多吐四肢不和冷氣上攻心腹悶

右用鰻鱧魚淡炙令患人三五度食之

治心腹蟲痛脾胃虛冷氣併冷熱虛洩赤白痢等

右用肉豆蔻以白粥飲服

治疳蟲

草本

右以端午日取蟾蜍眉脂用硃砂麝香為丸如麻子粒大小孩子瘦者空心一丸如腦疳以妳汁調滴鼻

孔中

治疳蟲

用苦參炒帶煙出為末飲下

治熱病蝕毒令人喜寐不知痛處面赤如醉下痢膿血

當數視其人下部大小之孔稷稷然

一云搜稷然

赤則蠶

瘡者也劇因殺人見人肝肺服藥不瘥可熏之

出千金方

右以泥作小甕令受一升竹筒一枚如指大者一頭  
即橫穿入甕腹中一頭內人穀道中淺入可取熱艾

國如鷄子大著罌中燃之於罌口吹烟令入人腹艾  
燃盡乃止大人可益艾小兒減之羸者不得多多亦害  
於人再熏不過三作蟲則死不斷亦可末燒雄黃  
仍如此熏之

貫衆酒

出直  
指方

右取寸白諸蟲五更嚼炙肉一片莫吞俟蟲尋肉其  
蟲頭向上却吐出肉嚼使君子三箇并輕粉一匙吞  
咽下少頃以當晚所煎貫衆酒吞解毒雄黃丸七粒

則瀉下皆蟲也

殺五臟蟲并諸蟲

右取側柏葉焙乾為末與川黃連同煎為汁服之良

道家多作柏葉湯常點益人枯葉尤佳

油麻散 治宵喉間覺有癥蟲上下徧聞葱豉食香此

是髮蟲油煎葱豉令香二日不食張口而卧將油葱豉致口邊蟲當漸出徐徐以物去之

南粉散 治腹中諸蟲令人腹痛多食泥土及油者



右用南粉二錢細研五更初用生油調下至食時蟲  
即出盡

砒黃丸 治諸蟲痛

右用砒黃細研一兩以水浸炊餅心為丸如小豆大  
只每服二丸煮肉湯下空心服

金液丹

出直指方

壯陽道健胃氣除冷癖殺諸蟲

右用好硫黃十兩飛煉去砂石研細末入麝盒水調  
和赤石脂封口研泥固濟日乾於地理小罐子盛滿

了水安甕盒在上再用泥擠慢火養七日七夜次即  
加頂火一通冷取出研末每一兩用蒸餅一兩湯浸  
手握去水為丸梧子大每服三十丸空心米飲送下  
白金散 治臟腑內一切蟲令人褊好食生物及面黃  
嘔吐或時心腹發痛但是蟲病患治

右用狼毒不拘多少為細散每服一錢用錫一皂子  
許大沙糖少許以溫水同化下臨卧放冷空心服之  
至服藥時覺腹微動氣食藥一服來日早取下蟲為

見效

寸金散 治大人小兒諸蟲為病及骨蒸勞羸瘦飛屍  
遁屍鬼癰室女經脉不行五心煩熱怠惰少力

右用乾漆不拘多少炒令煙出為細散每服一錢加  
以生油溫水攪勻調服若治小兒每一斤再加入白  
蕪荑仁三兩搗取細末更研雄黃半兩合研勻量兒  
之大小亦用生油溫水調服清米飲亦得如是室女  
有經脉不行服之必行其餘虬蟲服無不效者

蕪荑散

出肘後方

治脾骨有蟲食即痛面黃無色疼痛無時

立效方

右用石州蕪荑仁二兩麴炒令黃色為末非時米飲

調服二錢瘡

又方 治蟲咬心痛

右用白蕪荑微炒一兩為末用沙糖丸梧子大每服

吞十丸

破宿血殺蟲

右以獅子屎服之

即蘄  
合香

治諸蟲在臟腑久不瘥

右以檳榔半兩炮搗為末每服一錢至二錢葱蜜煎  
濃湯調下空心服

沙應丸 治諸蟲積惡物盡下

檳榔

大腹子

各十兩  
取末十二兩

蕪荑

淨一兩

黑牽牛

二斤

取淨末  
十二兩

大黃

淨四兩

雷丸

淨一兩

錫灰

淨四兩

木香

淨一兩

右為末一處滴水為丸如小七香丸大每服四錢重

五更時候用葱白湯送下

治大腸蟲出百十尺不斷斷之復生行坐不得

右用鶴蝨末水調五錢服之自愈

治蟲心痛

千金方

右用鶴蝨一味為末蜜和丸如梧子大每服四十丸  
煎蜜湯下日一服可加五十丸一方為末溫漿和空

腹時服

豈蔻散

朱氏集驗方

治腹痛

陳皮 甘草 訶子 使君子 半夏 沒石子

各半兩

厚朴

七分

木香

肉豆蔻

各二錢半

右咬咀每服三錢薑三片棗三枚水一盞煎七分無時湘中醫者陳必勝以此醫一女使遂除根

化蟲丸

朱氏集驗方

治諸蟲

蕪荑 錫灰 神麴 麥蘖

右等分為細末麻油為圓取初五更空心用炙豬肉細嚼嚥汁不喫肉汁引動蟲次用濃煎石榴根湯下

丸子藥十丸

又方

朱氏集  
驗方

右急以酒調好雄黃末傳之毒水流如涎大效

又方 治諸蟲心痛多吐四肢不和冷氣上攻心腹滿

悶

棟樹東南根白皮

一兩樹  
有子者

右細剉以水一大盞煎至五分去滓空腹溫服

雷金散

出衛生  
寶鑑方取諸蟲



雷丸末

八分

鬱金末

七分

黑牽牛末

一錢半

右為末和勻以生油調下以三兩匙飯壓之

制蟲蜜勞悅澤膚去勞熱

檳榔

一兩半

龍膽

一兩

乾漆

半兩

右為末煉蜜圓如梧子大每服十丸至十五丸熟水

吞下

又方

出本事方

右用定粉研每服一錢用麻油調五更服晚取下

助肺殺諸蟲下氣令人能食消心腹間惡氣卒心冷氣

澹寮

方

右以榆子作漿食之良亦甚香美有少辛味陳者尤為佳

治疳蟲食人脊骨者

出本草

右以鼠李根煮濃汁空心服一盞良

如智丸

出本草

治蟲痛

方見本門寸白類名香附丸

治腹中蟲毒

右用營實根皮濃煮汁服之

治病咽塞食不下有蟲毒者

右用小蒜蘼大蒜三升飲之當自痊可昔華佗路逢  
一車載一人病咽塞食不下呻吟佗曰餅店家蒜蘼  
並大醋三升飲之當自痊其病人遂依言飲之果吐  
出大蛇一枚而自愈

九蟲附論

夫蟲與人俱生而藏於幽微其為害也蓋本於正氣虧

弱既食生冷復感風邪所以種種變化以至蕃息初若不足畏而其甚可以殺人善攝生者薄滋味節嗜慾蚤去三屍防患於未然彼九蟲亦將銷鑠於冥冥之中惟未進此道則攘藥剔蠹無使滋蔓盖有藥存焉

名狀見諸蟲論

方

貫衆丸

出聖惠方

治九蟲動作變生諸病

貫衆

石蠶

各一兩一分

狼牙

判

藜蘆

蜀漆

白殭

蠶

厚朴

各三分

雷丸

炮一兩半

白蕪荑

炒一兩

右為末煉蜜和為劑更於臼內入酥少許杵令勻熟  
丸如梧桐子大每服十丸空心溫漿水下午時臨卧  
再服一方無厚朴另有檳榔

石榴枝湯 治九蟲動作腹中刺痛口吐清水面色黑

黃及蟲攻心痛者

東引石榴枝三兩 木香 陳橘皮 吳茱萸各一大兩半

黃 芍藥各二兩 薏苡仁二兩半

右㕮咀如麻豆大每服五錢水一盞半煎八分去滓

空心溫服

麝香丸 治九蟲

黃連

去鬚一兩

白蕪荑

炒二兩

乾蝦蟇

一枚

乾漆

炒去煙一兩

雷

丸

炮半兩

定粉

研一兩半

右為末入麝香少許再研羅勻用醋煮麵糊和丸梧  
桐子大每服溫水下十丸空心食前服

麝香丸

出聖惠方

治九蟲

麝香

半兩

犀角屑

一兩

雄黃

半兩

甘遂

一兩

巴豆

半兩

硃砂

兩半

右為細末入巴豆及研了藥令勻煉蜜和丸如梧桐子大每服空心以溫水酒下五丸

檳榔散 治九蟲在臟日久相生轉多下蟲

檳榔

一兩

蕪荑仁

半兩

狼牙

一分

白蘞

一分

鶴蝟

一分

右為細散每服藥時不得喫夜飯候至四更以來將暖水一盞調下三錢其蟲瀉下

鷄子丸 治九蟲

鷄子

好漆

蠟

三兩粳米粉

右先取漆蠟入銅鐺中用慢火攪令得所次入粳米粉又攪令勻煎令凝候可丸即取鐺置坐黃土上纔候稍溫即下鷄子又攪令得所再置火上煎令可丸如小豆大隔宿勿食於空腹煎粟米飲下二十丸小兒五丸千金有茱萸根桑皮

狼牙散

治九蟲在腸胃令人心煩吐逆下蟲

狼牙

鶴虱

貫衆

蕪荑

各等分



右為細散每服以粥飲調下一錢良久再服蟲盡為度

蕪荑散 治九蟲

蕪荑仁 狼牙 檳榔 石榴根皮各等分

右細羅為散每日空心以溫酒調下二錢

狗脊散 治九蟲

狗脊 芎藭 細辛 白蕪荑各等分

右為細散三更後先喫牛肉澹乾脯三二兩五更初

以粥飲調下三錢良久當有蟲下為度

三蟲

附論

夫三蟲亦九蟲之數曰虵曰赤曰蟯是也其發動諸病較之他種為甚虵蟲又曰長蟲長一尺動則吐清水心痛貫心則死赤蟲狀似生肉動則腸鳴蟯蟲至細微形如菜蟲居胴腸間多則為痔極則為癰或生諸癰疽癰痿癰疥而其變甚多三蟲為患如此古人秘析而治之意亦深矣

方

白蘇丸 治三蟲發動心痛等疾

白蘇 狼牙 藜蘆 桃花 貫衆 陳橘皮

白蕪荑

右為末煉蜜和為劑更於鐵臼內入稱杵令勻熟丸如小豈大每服二十丸隔宿勿食空腹漿水下至晚再服漸加至三十丸妊娠婦人勿服

鼈甲丸 治三蟲發痛面目黃不下食

鼈甲 白朮 陳橘皮 木香 狗脊 檳榔

吳茱萸

三次換水洗去土焙乾微炒一兩

右為末煉蜜和為劑置臼內入酥杵令勻熟勻丸如梧桐子大每日空心服煎青橘皮湯下三十丸晚食前再服

芎藭散 治三蟲

芎藭 白芷 雷丸 桔梗

右為細末每服二錢用蜜并醋各少許解勻調服或

米泔汁調服亦得每日空腹日午近晚各一服

竹節丸 治三蟲

燒竹節 雷丸 錫屑 陳皮

右搗下篩蜜丸如梧桐子大一服八九日三服斷虫也一方溫水送下

藿蘆散 治三蟲

藿蘆 乾漆 吳茱萸

右為細散每服二錢煎粟米稀粥調空心服一方先

嚼淡乾脯後服

天門冬 治三蟲保定肺氣去寒熱養肌膚益氣力利  
小便及諸暴中偏風濕痺強骨髓

天門冬

半斤

右先取天門冬細剉爛研如泥用酒一斤和絞取汁  
并蜜攪之令勻銅器中重湯上煎仍用竹篦攪後如  
飴每服如彈子大空腹溫湯服之或用生地黄汁一  
盞同煎妙

亂髮灰散 治三蟲并蟯蟲

亂髮

丹砂

各二兩

右同研極細每服一錢醋調空心服之一方用真珠

苦酒調服治蟯蟲

雷丸散 治三蟲

雷丸

炮一兩

芎藭

一兩

右為細散每服一錢空腹服煎粟米飲調下日午近

晚各一服

鶴蝨散

出聖惠方

治三蟲

鶴蝨

二兩 藿蘆

一兩

右為細散每服一錢用猪羊肉臠汁調空腹日午近

夜各一服一方無藿蘆

療三蟲方

肘後方

茱萸根

取東引指大者長一尺剥取白皮

桔萋

四兩切一升

右件細剉茱萸根以水一升漬之一宿旦絞滓宿勿

食旦空腹先喫脯然後遂服之小兒再三服亦療寸



白蟲

藿蘆散

肘後方

治三蟲神效兼治蟯蚘蟲攻心如刺吐清

汁并寸白蟲

右用藿蘆微炒二兩為細散每服二錢隔宿勿食於

日清旦用肉臍汁調服之蟲自下一方飲臍和服

檳榔湯

治三蟲并寸白蟲

右用檳榔三枚灰火煨過麤搗篩用水三鍾煎至一鍾半漉去滓分三服空腹日午前近夜各一服其蟲

即盡下或和葱白鹽豉同煮飲之亦佳一方治寸白蟲用好檳榔二七枚治下篩以水二升半煮去皮取一升半濾去滓內末頻服晚卧蟲出或不盡更服取全瘥止宿勿食旦服之

木香湯 治三蟲心痛黃面不下食

木香

三分

檳榔

三分

薏苡仁

炒一兩

陳橘皮

焙三分

吳茱萸

炒一分

東引石榴枝

炙剉一兩半

右咬咀每服二錢水一盞煎七分去滓溫服如人行

三四里再服

殺三蟲毒邪氣破老血

出本草

右取竹肉以灰汁煮三度煉然後依常菜茹食之煉之不熟者戟人喉出血手爪盡脫竹肉生枯枝上如家鷄子似肉嚙應別有功人未盡識之一名竹實也治三蟲

右用桃葉絞汁一升飲

導引法

療三蟲

右以兩手著頭相生又手長幼氣即吐之坐地緩舒  
兩脚以兩手從外抱膝中痛低頭入兩膝間兩手交  
叉頭上十二遍愈三蟲又云叩齒二七過輒咽氣二  
七如是三百通乃止為之三十日邪氣悉去六十日  
小病愈百日大病除三蟲伏屍皆去面體光澤

五臟蟲

附論

夫五臟蟲者緣臟真衰弱熱氣薰蒸而成之傳所謂肉

腐出蟲魚枯生蠹理固如此其名狀之異見於九蟲序  
可辨而察也

# 方

麥門冬丸

出聖惠方

治肺熱生蟲其形如蚕令人咳逆氣喘

或謂憂膈氣膈患膈寒膈熱膈皆從勞熱氣生名曰  
膏欲病鍼灸不至

麥門冬

十兩

蜀椒

一兩

人參

一分

遠志

附子

細辛

各一兩半

甘草

一兩半

乾薑

一兩

桂皮

去粗皮

百部

焙

白朮

黃

著

各一兩一分

杏仁

半兩

右為末煉蜜和更於鐵臼內塗酥杵令勻熟丸如酸棗大含化稍稍嚥津一方有檳榔一方無白朮

前胡湯 治脾有白蟲長一寸在脾為病令人好嘔胸中咳即嘔而不出

前胡 白朮 赤茯苓 枳殼 細辛 旋覆花

常山

松蘿

各一兩半

龍膽

杏仁

各一兩

右鹿搗篩每服五錢水二盞入竹葉十片淨洗細切

同煎至一盞去滓空心服吐之即瘥若腹中熱滿入黃硝五分梔子仁一兩半苦參一兩一方用枳實無枳殼

雷丸丸 治心臟勞熱傷心有長蟲名白蟲長一尺貫心為病

雷丸 陳橘皮 桃仁 各一兩一分 狼牙 一兩半 貫衆 半兩

白蕪荑 青箱子 乾漆 各一兩 亂髮 燒為灰

右除亂髮燒灰餘搗為末然後與亂髮灰同研令勻

煉蜜和更於鐵臼內塗酥杵令勻熟丸如梧桐子大  
每服空心溫酒下十五丸至晚再服米飲亦得一方  
用塗酥一方有殭蠶吳茱萸根皮

貫衆散

出千金方

治勞腎熱四肢腫急有蜣蟲如菜中蟲生

於腎中

貫衆

三枚 乾漆

三兩

吳茱萸

一兩半

白蕪荑

槐白皮

各一

兩

胡粉

一兩

杏仁

半兩

右除別研胡粉外搗羅為散更與胡粉同研令細每



服二錢空腹用井華水調服日晚再服

檳榔散 治蟲多脾病乍去乍來嘔吐清沫

鷄心大檳榔

貫衆

各二分

石菖蒲

木香

各一分

甘

草一錢

右剉每三錢水煎空心加靈砂金液丹服盡靈砂金液有硫黃水銀能殺蟲也

桑根白皮湯 治肺勞熱生蟲在肺為病

桑根白皮

取一升

狼牙

三兩

吳茱萸根皮

淨刷去土五兩

右細剉用酒七升煮至二升去滓分作三服每日空  
腹一服一方無狼牙

茱萸根浸酒方

出聖惠方

治脾勞有白蟲在脾中為病好嘔

吳茱萸

東引者一尺剉

麻子

八升

陳橘皮

右先搗碎橘皮麻子如泥然後拌茱萸用酒一斗浸  
宿慢火上微煎絞去滓分作五服每服空心溫服蟲  
即下凡欲合藥時忌言合煞蟲藥一方以水煎服

櫛榔散

治蟲動心痛

檳榔

一兩

乾漆

一兩

石灰

三兩

右件為末每服一錢用熱酒調放溫連二服不拘時

候

一方

右用杏仁輕粉最殺蟲

治臟腑內一切蟲病

出本草方

殺腹臟蟲

右以槐花炒服

治五種蟲

右以棟皮去其蒼者焙乾為末米飲下二錢匕

蜣蟲 附論

夫蜣蟲是九蟲之一甚微細如今之蝸蟲亦由臟腑虛弱而致發動其始若不足慮者然其生化衆多攻心刺痛時吐清水在胃中浸蝕不已日加羸瘦甚則或痔瘻疥癬癰疽諸癩蝨蟲害人若此絕其本根勿便能殫則毒而治之所不可忽

方

石榴散 治蜣蟲

酸石榴根 乾漆 狼牙 鶴蟲 檳榔

判各  
一兩

右為細散每服二錢空心溫酒調下

芫花散 治蜣蟲

芫花 三分 狼牙 三分 雷丸 三分 桃仁 三分 白蕪荑 三分

右為細散隔宿勿食平旦以粥飲調下一錢一方無

白蕪荑

又方

聖惠方

貫衆

狗脊

白蕪荑

已上各一錢

桃花

半兩

麝香

一分

右為細散每服二錢空心溫酒調下良久再服

蜜香丸

治蟯蟲

蜜陀僧

煨一兩

麝香

研五分

硫黃

研一分

定粉

研半兩

右為細散醋煮麵糊丸梧桐子大每服十丸空心蕪

荑湯下

槐皮丸

治蟯蟲在胃漸加羸弱

槐皮

桃仁

棟實

各半兩

右為末煉蜜猪膏丸如人指大以綿裹導下部中

巴豆桃仁丸

治蟯蟲

巴豆

五枚 桃仁 炒二兩

右同研極細丸如梧桐子大每旦空心服溫漿下大人兩丸小兒一丸蟲下再服

艾汁方 治蟯蟲攻心如刺吐清水并寸白蟲良久再服蟲當下

右用艾葉并嫩心切二升搗研絞取汁兩盞許宿不  
可食平旦先嚼乾脯少許後頓飲汁不能盡即兩日  
徐服一方治虵蟲旦取肥香脯一方寸片先喫令蟲  
皆聞香然後飲一升當下虵一方搗艾葉以苦酒煎  
而服之良一方治寸白蟲隔宿勿食好淡羊肉乾脯  
用一二兩嚼嚥汁令蟲聞香然後飲艾汁一盞又却  
取水解一盞初五更先喫炙猪肉一片服之

蒺藜散 治蟯蟲



右於七月七日採蒺藜子并苗葉陰乾燒存性細研之每服二錢食後煎蕪荑酒調下日三又治諸蟲方水銀膏 治蟧蟲咬人下部瘡

右以水銀一兩蒸用棗膏丸如人指大綿裹臨卧導於下部中一宿內藥時常留綿帶子在外一方水銀恐損腸宜慎之

治蟧蟲方

右以好鹽末二兩苦酒半升合銅器中煮熬數沸宿

則不食空心頓服之

治蜣蟲攻心如刺口吐清水并烟蟲咬腹內痛

右用苦楝子取根剉水煮令濃赤黑色以汁合米煮之作糜隔宿勿食來旦食一匙俟少時復食一匙半升糜便下蜣驗或用皮去其蒼乾者焙為末米飲下一二錢兼治五種蟲一方療蛔蟲但取肥香脯一片於先喫令蟲聞香舉頭稍從一口為度妙少進自然取食一匙半升糜便下蛔一方用苦楝樹白皮水煎

之去滓熬成膏五更以溫酒服半匙用銀器內熬更  
為妙

蛭蟲

附論

夫蛭蟲即九蟲序所謂長蟲者今此折而治之較之他  
害人多觀其發作冷氣臍腹撮痛變為嘔逆以至心中  
痛甚如錐昔人蛭厥貫心能殺人所以治之不可緩也  
聖惠論曰蛔蟲者是九蟲內一蟲也長一尺亦有長五  
寸或因臟腑虛弱而痛或疳肥而動則腹中痛發作種

聚行上下痛無休息亦攻心痛喜吐涎及清水貫傷心者則死診其脉腹中痛當沉弱而弦今反脉洪而大則是蛔蟲也

方

烏梅丸 治蚘厥令病者靜而復煩臟氣蚘上入膈故煩須臾復上得食嘔又煩者蚘聞食臭出其人自吐蚘兼治久痢

烏梅

一百五十箇

當歸

川椒

細辛

附子

桂心

人參

黃蘗

各三兩

乾薑

炮五兩

黃連

八兩

右為末以苦酒漬烏梅一宿去核蒸之五斗米熟下  
搗或泥和藥相得內臼中與蜜杵一二千下丸如梧  
桐子大食前飲服十丸或加至二十丸溫米飲下食  
前服

當歸湯

治虵蟲心痛如錐刺時吐白蟲

當歸

一兩半

桔梗

一兩半

陳橘皮

去粗皮

桂

去粗皮

人參

各半兩

赤

芍藥

三分

鶴蝮

炒二分

檳榔

炮一分

朴硝

研三分

右除朴硝外麤搗篩入朴硝拌勻每服三錢水一盞煎至七分去滓空心服後半時辰再服

靡蕪丸 治少小有虵蟲結在腹肚內數發腹中微下白汁吐而悶寒熱飲食不生肌皮肉痿黃四肢不相勝舉

靡蕪 貫衆 雷丸 山茱萸 天門冬 狼牙

各八分 藿蘆 甘菊花 各四分

右為末蜜丸如大豆三歲飲服五丸五歲以上以意

加之漸至十丸加藿蘆六分名藿蘆丸治老小及婦人等凡病腹內冷熱不通急滿痛胸膈堅滿手足煩熱上氣不得飲食身體氣腫腰腳不遂腹內狀如鷄鳴婦人月經不調無所不治

集效丸 治因臟腑虛弱或多食甘肥致魃蟲動作心腹絞痛發則種聚往來下上痛有休止腹中煩熱口吐涎沫是魃咬宜服此藥若積年不瘥服之亦愈又治下部有蟲生痔瘡痛

木香 鶴蟲 檳榔 訶子 蕪荑 附子 乾

薑 炒各七錢半 大黃

右為末蜜丸如梧子大每服三十丸食前橘皮湯下

婦人醋湯下

當歸散 治虺蟲痛發冷氣先從兩肋連胸背撮痛欲

變吐逆

當歸 鶴蟲 各二兩 陳橘皮 人參 各一兩 檳榔 三兩

殼 芍藥 各一兩一分 桂 一分



右為散每服二錢空心煎棗湯調下至晚再服

雷丸散 治九種心痛蟲痛為先

雷丸

一兩  
貫衆

半

狼牙

當歸

一兩  
半

檳榔

一兩  
桂

半

鶴蝮

一兩  
陳橘皮

一兩

右為散每服二錢空心煎粟米飲調下晚食前再服  
以大下虵蟲為度一方用蜜湯下

柴胡湯 治虵蟲心痛

柴胡

一兩  
半

當歸

食茱萸

一兩  
芍藥

一兩  
半

厚朴

剉一兩  
兩

檳榔三枚 郁李仁三分

石麤搗篩每服三錢水一盞煎至六分去滓食前溫

服日三

桔梗散 治虬蟲攻心痛

桔梗 當歸 芍藥各三分 橘皮炒半兩 檳榔 鶴蟲

各一兩 草薢一兩

右為散每服二錢空心煎生薑棗湯調下至晚再服

鶴蟲散 治疳虬寸白虬蟲等發作心腹疴痛

鶴蝨

炒三分

檳榔

一分二兩

揀根皮

二兩五錢

陳橘皮

五錢

麥

葉

一兩半

糯米

一合

牽牛子

三兩

右為散每服二錢空腹煎粟飲調下如未轉瀉即更服仍時煎薑蜜湯熱投之

治虬蟲

右用赤藤煮汁服之

桑根白皮湯 治虬蟲心痛每連臍腹刺痛多吐涎沫

桑根白皮

三兩

酸石榴皮

一兩

白蕪荑

檳榔

厚朴

各五錢

右麤搗篩每服三錢水一盞入生薑一小塊擘破同煎至六分去滓空心服至晚再服

石榴皮湯 治蛻蟲心痛腹中疴刺痛不可忍往往吐醋水

酸石榴皮三分 檳榔一分 桃符一分 胡粉一分

右先搗篩前二味後以胡粉拌勻分為五服煎每服水一盞入桃符一分酒半盞同煎至七分去滓空心

溫服至晚再服

草薺散 治疔蟲發作

草薺 白蕪荑 狗脊

判一分

右為散每服二錢溫酒調欲服藥先隔一宿喫牛肉  
乾脯一片次日空心服藥蟲下即瘥

麝香散 治大人及小兒疳蚘腹中虛脹面目痿黃

麝香

判研一分

乾蚘蚘

五錢

乾蝦蟇

一枚塗酥炙黃赤色淨剔去骨并去腹中惡

物

物

石先搗蚯蚓等為散與麝香同研令勻細每服一錢  
空腹煎薏苡根湯調下

高良薑湯 治蛇蟲

高良薑

剉一分

苦楝根皮

二兩

胡椒

三十粒

右麤搗篩每服三錢水一盞煎至六分去滓空心服  
服訖卧少時未得喫食或吐或瀉即瘥

藿蘆散 治蛇蟲懊懷

藿蘆

乾漆

各二兩

扁蓄

三分

右為散每服一錢煎粟米飲調食前服日三

漆煎丸

肘後方

治虬蟲蟯蟲在胃令人漸漸羸瘦

漆清

白蜜

清酒

各半升

右同攪令勻於銅鍋中微火煎常令沸不住手攪候如膏可丸即止丸如雀卵太每服一丸隔宿不食空心溫酒化破服之蟲即下不下再服亦可丸如梧子大空心服酒下二十丸

甘草粉蜜湯

治虬蟲之為病令人吐涎心痛發作有

時

甘草

二粉 一蜜 四  
兩 兩 兩

右以水三升先煮甘草取二升去滓內粉蜜攪令和煎如薄粥溫服一升瘥即止

檳榔煎 治蚘蟲并寸白蟲

檳榔

五枚 酸石榴根皮 剉一  
升

右先將檳榔麤搗與石榴根各均分作三度用每度用水二升半煎至一升半絞去滓入粟米一合煮如



粥平旦空心頓喫利下蟲效一方治寸白蟲為散淡  
猪肉汁調五更初服候半時辰再服一方石榴根煎  
湯調末服先將猪肉含口中嚥津下去肉却服藥

狼牙散 治蛔蟲或攻心吐清水并療白蟲

狼牙

一兩

蕪荑

一兩

右細羅為散每一服藥空心先喫小淡羊肉乾脯即  
以溫酒調散二錢服之不過三四日永瘥

治蛭蟲

右用麻黃搗葉水絞取汁服五合

治石虵腹脹面黃極難療者

右用死人枕煮汁服之昔張景年十五歲腹脹面黃用衆藥不能治以問徐嗣伯曰石虵耳即難療當取陳死人枕煮汁服之得大虵蟲頭堅如石者五六升其病即瘥石虵者醫療既癖虵蟲轉堅世間藥豈能祛遣所以須是鬼物驅之然後乃散故令煮死人枕以服

治虻蟲咬心痛面青口中沫出臨死者

本草

右取扁蓄葉十斤細切以水三石三斗煮如飴去滓  
渣適寒溫空心服一升蟲即下至重者再服仍通宿  
且勿食來日平明服之

治虻蟲

右以鼯鼠肉令大人小兒食之

療虻蟲攻心如刺吐津汁

右用萑菌單末之猪肉臠和食之亦作羊肉臠和之

旦日一頓服佳

治虬蟲

右取棟實浮苦酒中浸再宿用綿裹內穀道中入三  
二寸一日易之

治寸白虬蟲

右用金櫻花子止冷熱痢殺寸白虬蟲等和鐵粉研  
細拔白髮傳之再出黑者亦可染髮

薏苡根湯 治虬蟲

右以薏苡根一握去土碎剉麤搗篩水三盞煎至一盞半澆去滓分二服空心先喫錫少許然後溫服又一方治虬蟲攻心腹痛

蠶蛹汁方 治虬蟲

右取綠絲蠶蛹兩合爛研生布絞取空心頓飲之非值綠絲時即須依時收取蠶蛹暴乾搗羅為末用時任以意斟酌多少和粥飲服之

鶴蝮散 療虬蟲并三蟲諸蟲

右取波斯鶴蝨三兩搗散以肥猪羊肉但有一色以少葱豉為臠汁每旦空腹以臠汁和一方寸匕日頓服之稍多飲臠汁佳若不能散服即以蜜和為丸畧如梧桐子大一服十丸還以此臠汁下之假令明旦須服今日未欲即勿食明旦服藥訖至巳時為佳要須服此丸散使盡已後三十日勿雜食永瘥或以苦酒於空心服之亦治諸蟲一年治涎蛔蟲出吐水心疼痛淡醋和服之蜜丸平旦漿水服一方治三蟲以

猪羊肉臙汁調一錢空心服

殺虬蟲

右以鹽麩子樹根白皮煎服

殺腸中虬蟲

右用小麥熬煎末服

療虬蟲咬心痛

右取鶴蝨十兩搗篩蜜和丸如梧子大以蜜湯空腹  
時吞四十九日增至五十九丸慎肉酒一方平旦漿水

吞服二十丸又千金方為末溫醋下蟲當出

桔梗散 治蛇心痛

桔梗 當歸 芍藥 雷丸 人參 貫衆 檳

榔 陳橘皮

右為細散每服二錢空心煎薑棗湯調下日晚再服  
漸加至三錢

增損當歸湯 治心痛發作痛有休止喜涎出是為蛇  
蟲亦治心腹蘊結痛



當歸 芍藥 黃芩 朴硝 桔梗 柴胡 升

麻

右呖咀每服三錢水一盞煎七分去滓溫服

狗脊丸 治虺蟲痛

狗脊

去毛  
一兩

吳茱萸

炒半  
兩

陳橘皮

焙三  
分

蕪荑

三分

檳榔

剉一  
兩半

石為細末煉蜜和丸如小豆大每服二十九食前橘

皮湯下

蕪荑散 治大人小兒虵咬心痛經心蟲貫心則殺人

欲驗之大痛不忍或吐清黃綠水淋漓或吐蟲出發

有休止此是虵痛心也宜速療之

仁存方

乾漆

煙盡一兩

雷丸

蕪荑

各五錢

右為細末每服二錢溫水七分盞調和服不拘時甚者不過三服小兒每服五分

薑黃散 治虵蟲心痛喜吐水衝刺痛不可忍或不能

食面黃腹滿

薑黃

一兩三分

藿蘆

剉一兩

鶴蝮

一兩一分

右搗篩每服三錢水一盞煎七分又入酒一合更煎取沸空心服晚食熱飯即蟲下一服未盡更服

鶴蝮飲 治虺咬心痛

鶴蝮

苦楝根

焙各一兩 硃砂一兩

右先以二味麤搗羅入研藥和勻每服三錢水二盞新匙一柄剉折同煎一盞下朴硝末一錢煎沸去滓空心服

乳香散 治虵心痛

乳香 研一分 鶴蝮 炒三分 檳榔 判一兩半

右為細散每服三錢大麻子汁調下

檳榔散 治虵咬心痛

檳榔 判 蜀椒 各半兩

右為細散每服二錢米飲調下空心日晚各一服

吳茱萸散 治虵心痛

吳茱萸 炒半兩 鶴蝮 一兩半

右為細末每服二錢空心溫酒調下

鶴蝨櫛榔湯 療心痛不可忍似蛔者

鶴蝨

二兩小兒用一兩

大腹櫛榔

右以猪肉汁六升煮櫛榔取三升去滓內鶴蝨末先  
夜不食明旦空腹頓服須臾病下及吐水瘥神效七  
日禁生冷酢滑一方用煖大麻仁汁調下二錢

又方

方發時取鹽一匕內口中水下立定蟲即出

治虬蟲

右用麻葉搗爛用水泡絞取汁五合服之麻葉乃今時人績布者是也

去虬蟲

右用楸根煮汁作糜食之

治虬蟲

右用漏蘆杵為末以餅臙中服方寸匕

治大人小兒虬咬心痛心腹脹滿黃瘦

右用醋麻子搗為末每服一錢匕調服之甚效

寸白蟲

附論

夫寸白蟲乃九蟲之一種也狀似綃邊葫蘆子因臟氣虛風寒濕冷積腸胃又好食生膾乾肉等所以變化滋多難於蠲治說者謂食牛肉飲白酒所致特一端爾亦未必皆緣此

方

檳榔散 治蚘蟲寸白蟲蛔蟲

檳榔

劉一兩半

當歸

鶴蝮

各三分

貫衆

雷丸

兩半

蕪荑

仁

陳橘皮

焙各三分

右搗羅為末每服二錢空心煎棗湯調下至晚再服

漸加至三錢利為度

錫灰丸

取寸白諸蟲

錫灰

細末一兩

鷄心檳榔

貫衆

各半兩

木香

二錢五分

輕粉

黃丹

各二錢

右為細末酒醋煮麵糊丸荔枝乾大每服一丸米泔



浸軟日落先喫飯了至黃昏不饑飽時喫肉脯一片  
引蟲候少刻溫酒嚼下天明蟲出又喫韭菜治寸白

蟲

取寸白蟲

出寸  
草方

錫灰

一  
兩木鼈

一  
兩蘆薈

二十  
枝

黃丹

十  
分輕粉

十  
分

右為末猪膏油丸如彈大先齋一日晚莫喫飯次早  
五更溫水吞下分作二服

取寸白蟲

出本  
事方

蕪荑

錢一

雞心檳榔

筒二

狼牙草

錢五

雷丸

分三

輕粉

許少

右為末每服二錢四更時清茶調下隔夜點取茶四

更時取清

石榴根散 治寸白蟲

酸石榴根

去土五兩碎切

檳榔

顆一

膩粉

研半錢

鉛丹

炒半錢

右先取檳榔末等三味細末令勻再溫石榴根汁調

藥末五更頓服凡欲服藥侵早先喫肥猪肉次便服

藥

檳榔散 治寸白蟲每以月一日二三服之餘日勿服

檳榔

判二兩

陳橘皮

桑白皮

判各三分

蕪荑

炒一兩

右為散每服一錢半以漿水一中盞濃煎酸石榴根湯調空腹服欲服藥隔宿勿食清早先取乾脯一片細嚼嚥汁少頃即服藥至晚蟲出未下煮白皮汁服之

治寸白蟲令化為水

出聖惠方

狗脊

貫衆

白蕪荑

酸石榴根

已上各一兩

右為散每服兩半以漿水一大盞煎至五分去滓四更初溫服先於晚間不得食夜飯

又方

出聖惠方

狼牙

白芨

白蘇

白蕪荑

已上各一兩

右為細末每食空心以溫酒調下二錢

香附丸

治葫蘆蟲亦治寸白蟲兼諸蟲

木香

為末一分

附子

硫黃

研各半兩

右先用蜜陀僧半兩入醋熬成膏然後入三味藥末

一處和丸如小豆大每服十五丸溫酒下食前服一方先以醎醋一升煎附子末為膏次入三味為丸冷茶芥湯下頭日不晚食五更服為妙

白蘞散

出肘後方

治寸白蟲為病令人兩眼無光澤脚膝少

力

蕪荑

六分

狼牙

四分

白蘞

二分

右治下篩以苦酒二合和一宿次早空腹服之一方漿水二盞

治寸白蟲

出德生堂

錫沙

蕪荑

檳榔

各等分  
為末

右濃煎石榴根汁半升下散三錢一方用黃丹丸五

枚中夜服旦日下見蟲

檳榔散

治寸白蟲

石榴根

剉

陳橘皮

桑根白皮

各一兩

右細剉分作三服每服水盞半煎至一盞去滓五更初調生檳榔末二錢至天欲明不瀉至曉又一服如

蟲母未下再服或瀉不止喫冷粥止之

石榴根湯

治寸白蟲令人羸瘦

酸石榴根

一大握

蕪荑

二兩

牽牛子

末五錢

右前二味麤搗篩每服五錢水一盞半煎至一盞去滓下牽牛末五分煎沸空心溫服如人行十里再服以快利蟲下為度

橘皮湯

治寸白蟲

陳橘皮

焙乾二兩

蕪荑仁

狼牙

各一兩半

右為末煉蜜和為劑更杵令勻丸如梧桐子大每服三十丸食前溫漿水下日三服

檳榔湯 治寸白蟲

檳榔

剉一十枚

薤白

一盞許

鹽豉

一盞許

右將大檳榔麤搗篩與餘物各分為三分煎每分以水三盞煎至一盞半去滓分三服隔宿勿食侵早空心一服如人行六七里一服蟲未下再服

水銀丸 治寸白蟲



水銀 錫

白蠟

各一分

右熟研以糯米粥丸如皂子大每服溫酒夜嚼一丸

次日食前取下蟲母瘡

石榴根湯

酸石榴根

一握

陳皮

一兩

檳榔

三枚

右除檳榔末外合細剉以水三盞煎至一盞半去滓

入檳榔末攪勻分溫二服空心相繼服盡當有蟲出

次煮薤粥補

療寸白蟲為水瀉出求除方

樺子

檳榔

蕪荑

各等分

右為散溫酒二錢燒牛肉脯喫後服藥也

治寸白蟲化為水

十全良方

草薢

一兩

甘草

三兩

狗脊

三兩

右為細散每服二錢食前粥飲調下

又方

出聖惠方

檳榔

二枚

杏仁

七枚

酸石榴根

一握

剉

右細剉水二大盞煎至一盞去滓空心分溫二服凡  
欲出蟲時先坐暖物兼食少澹羊肉乾脯微燒過爛  
嚼嚥汁待引得蟲出即服良又候腹內似不安甚即  
轉動以快利為度後服蕪荑湯一小碗以補之永瘥

又方

出聖  
惠方

麝香

二錢

蕪荑仁

三分

狗脊

五錢

右為細散入麝香研令勻於月厭日以澹漿水空心  
調下二錢良久再服從早至食時可三服當以下蟲

為度一方以蕪荑湯下

又方

出聖惠方

狗脊

一兩

草薢

五錢

貫衆

半兩

右為細散每服空心以蕪荑湯調下二錢以蟲出盡

即止

又方

出聖惠方

桑根白皮

一兩

檳榔

半兩

桃根白皮

治寸白蟲

出肘後方

胡麻一升胡粉一兩

右為末明旦空腹以猪肉臠汁噉盡則瘡一方名胡粉丸療心痛不可忍似蛔者用生真胡麻一合胡粉半合熬搗先以猪肉脯一片空心服啖噉肉後取前藥搜作丸以少清酒盛頓服盡十歲以上增減忌生冷猪肉魚雞蒜酢滑等七日若是蛔吐水者是也

取寸白蟲

出本草方

畫粉

蜜陀僧

各等分

右為末每服二錢用麻油調服空心下頓刻成涎取  
下

療白蟲方 寸白者亦九蟲之一也長一寸色白形小  
徧因臟腑虛弱而能發動或云飲白酒以桑根貫牛  
肉炙食之并生粟所成又食生魚後即飲乳酪亦令  
生之其發動則損人精氣脚腰疼弱此蟲生長一尺  
則殺人

淳漆

合二猪血三合

右相和微火上煎之不著手隔宿勿食空腹且先喫肥香脯一片服之如豈許一百丸日中蟲悉出亦治虬蟲

療白蟲并治三蟲

東引茱萸根

一大握切

麻子

半大升

右先搗麻子極碎又盆中熱研以水一大升更和研絞取濃汁以浸茱萸根一宿明旦煮兩三沸頓服如不頓服分再服至如明旦欲服藥合日午後便不得

食仍須先嚼一片肥乾脯嚥津然後服藥一劑去蟲  
不盡停一日更作服一劑永瘥後一月日勿食脂膩  
魚肉必效不用脯餘一方同剉搗用酒二升浸一宿  
去滓空腹煖頓服之

聖功散 療寸白蟲不拘遠年神效

南木香

檳榔

各等分

右為細末濃米飲調三服許黎明空心先熱嚼炙猪  
肉之屬口嚥吐去滓便服藥辰巳間蟲下其疾永除



此方簡易如是而取效神速諸名醫未知有此用之

屢驗

治寸白蟲令化為水

出聖惠方

楝根

五兩剉

粳米

二合

右藥以水三大盞煎楝根取汁二合盞去滓入米作粥煮宿勿食旦朝先喫淡羊肉脯令蟲舉頭便食其粥其蟲即盡下

治寸白蟲

出千金方

右用樗子四十九枚去皮以日平旦空腹時服七枚  
七日服盡蟲消成水永瘥又云日食七顆七日滿蟲  
即化為水一方一百枚只細啖之食盡佳不能者但  
須啖五十枚亦得經宿蟲消自下一方并治三蟲

又方

出千金方

右取吳茱萸比陰根乾去土切一升以酒一升浸過  
一宿平旦二服茱萸用細根東引比陰者良若如指  
頭以上大不用又用石榴根如茱萸法亦可水煮

又方

出千金方

右研大麻汁五升分五服亦可治小兒蛇蟲

又方

出千金方

右以好麻油二升煎令熟內蔥白三寸蔥白黑便熟候冷頓服之

又方

出肘後方

右熬錫令十分燥作末以水方寸內羊肉臠中服之

又方

出肘後方

右用桑根白皮切三升以水七升煮取二升宿勿食  
於平旦空腹服一升蟲亦下桑白皮亦可用

又方

出千金方

右以金櫻根東行者二兩秫米二十粒水一升煎去  
渣滓半空心服須臾下蟲如神效一方用糯米三十  
餘粒

又方

出本事方

右以鉛錫灰炒鷄子喫亦可只用錫灰為末以棗肉

為丸如梧桐子大先齋一日次日五更喫炙肉一片  
又次溫酒下

石榴湯

出聖惠方

治寸白蟲蛔蟲

右以酸榴根南引者一握取淨細剉半升用水五升  
入煎半碗已下去滓五更腹空時先炙猪肉隨意喫  
之下引蟲不過飽然後溫服此藥只作一服蟲自取  
下乃喫白粥補之永絕根一方用東南引根并東引  
之根有人服之一啜即下而愈一方取石榴東引之

根令患人以手大指與第三指滿握一握兩頭出者總  
皆留之又取乾脯肥者如手大一片細剉以水四升  
浸漬之一宿明旦煮取一升去滓分三分如人行十  
里之久每欲服先嚼脯一片然後飲藥并令人以手  
徐按所患人腹令藥易宣都服了有頃當日便蟲出  
凡服藥以月一至五日以前是蟲頭向上服之得力  
蟲無問多少皆得出盡若疑蟲未盡更合一劑永愈  
矣一方酸石榴東向根三五錢用水一碗半煎八分

於隔宿煎下來早用半精肥肉四塊令病人聞之頃  
乃食其肉次藥煎服若氣虛者覺如醉夢寢至申未  
時間蟲下不過兩服蟲上旬頭向上下旬則無效

又方

出仁  
存方

右熬胡粉令葱焦燥平旦先作肉以藥納肉中喫之  
即大效或以生麻油調一錢服

又方

出肘  
後方

右用雷丸水浸軟去皮切焙乾為末每有病者五更

之初先食炙肉少許却以稀粥調藥服之即時須出  
凡服藥以上半月日蟲乃下

治寸白蟲

出仁  
存方

右用新生韭子五更初喫半升許其蟲去根

取寸白蟲

出大全  
良方

右用苦綿苳子不以多少研為末每服二錢好酒半

盞許空心調服

治寸白蟲

出大全  
良方



右用黑鉛灰炒二錢一服先喫猪肉脯少許一時來  
又却用沙糖濃水蓋半調灰五更服蟲盡下以白粥  
將息一日良予宣和中每覺心中多嘈雜意謂飲作  
或又疑是蟲浸依良方所說服翌日下蟲一條長一  
丈二尺五寸頭匾闊尾尖銳每寸作一節班班如綿  
紋其一條皆寸斷矣千金謂勞生熱熱則生蟲白蛔  
為脾蟲寸白腎蟲如寸截絲縷肝蟲如爛杏肺蟲如  
桑蠶五蟲皆能殺人惟肺蟲為急肺蟲居肺葉之內

每蝕人肺系故成療疾咯血斷嘶藥所不到治之為  
甚難有人說道臟中載諸蟲皆頭項下行唯自初一  
日至初五日以前頭上行故用藥者取月朏以前蓋  
為是故也

牙子治白蟲方

肘後方

右用狼牙五兩搗末蜜丸如麻子大宿不食明旦以  
水漿一合服盡瘡之

治患中宿冷寸白蟲

右用山豆根為末每朝空心熱酒調三錢其蟲自出  
又如小兒乳調半錢療心痛不可忍似蛔者

黑鉛散 治寸白蟲累取不盡久令人面黃心如饑

肝後

方

右用黑鉛沙子畫家銀塗是也極研細每服二錢於  
五更初肉汁調頓服治平明取下蟲立瘥一方以肥  
猪肉三兩片炙令香熟再三蘸藥細嚼米飲下空心  
及食前服

檳榔散

出三因方

治寸白蟲

右用檳榔如鷄心者一枚為末欲服藥隔宿不吃晚時食放饑睡先用鹽醋等炙雜肉脯一片香熟次日之五更令病人空腹嚼脯嚥津却吐出肉用溫米飲下檳榔末一錢頓服即睡至午前取下蟲方可食多蟲者不過再服月一至初五已前尤佳一方治諸蟲生在臟腑久不瘥用茶蜜或葱蜜湯調服一錢至二三錢一方用水煎服一方二七枚為散水先煮其皮

却減半去滓內末頻服暖卧

療白蟲方

出肘  
後方

右用濃煮猪肉汁煎擯榔三十枚取三升服之蟲盡  
自出

又方

肘後  
方

右用熟煮猪脂血宿勿食明旦飽食之蟲當下

又方

右以橘食破其上取皮中子搗合蜜丸如梧子大不

須食但以醋漿水或米汁下三百丸諸食蟲并死下  
又或以糜爛皮亦可丸服八十丸忌如常法

又方

出聖  
惠方

右用熟猪肉以蕪荑鹽醋早晨飽噉蟲出盡即止

又方

出聖  
惠方

治寸白蟲令化為水

右用狗脊三兩搗細羅為散每於空心以蕪荑湯調  
之下二錢

催取寸白蟲

出本  
事方

巴豆

七粒

皂角

末一錢

用京墨磨醋糊為丸如麻子大只作二服五更初橘

皮湯下

取疋白蟲方

鈆灰

三錢

雄黃

五分

蜜陀僧

五分

麝香

一字

擯榔

一个

右為細末用猪膏油打卵餅入藥末小半於餅內用其卵餅於五更初時逐旋蘸藥細嚼喫盡末可喫食飯後至早食時服烏梅丸

烏梅丸方

右用巴豆二粒蒸爛烏梅肉為丸分作二七粒飯飲和吞下七粒稍久臟腑未轉再吞二粒凡取此蟲須先斷葷腥三四日縱復吐嘈雜亦當忍耐服藥後須即以爛軟粥飯將息亦未須便喫葷腥若覺蟲下未能盡或可斟酌再服藥取令盡為度仍須月初二日間服藥為妙

化蟲散 取寸白蟲



黃丹

半兩

錫灰

一兩

定粉

二兩

右件三味同研極細末稱一錢先燒肉五更喫了後用生油一口許調藥都一服至晚取下婦人有胎不可服恐有害李副統女名菊花年十三歲此藥一服取蟲一抄終身不發

雷丸散

取寸白蟲

檳榔

一兩

雷丸

一兩

雄黃

黃丹

韶粉

已上各半兩

右件為細末每服一大錢油餅泡湯調服二更服至

五更時却服後方雙粉散催之

雙粉散 下寸白蟲兼蛔蟲

石灰

一兩 黃丹 五錢 韶粉 五錢 輕粉 一錢

右件為細末每服一大錢煎使君子湯調下五更初服如患蛔蟲二更時只服此藥不須服前方雷丸散

治蛔蟲咬心痛

右用苦楝皮煎一大盞服

治蛔蟲

出本草

右用綠絲湯熟取一盞服蓋取此繭汁為其殺蟲故爾也

治蛔蟲攻心臍如刺口吐清水

右取鷄子一枚開頭去黃以好漆內於中合和仰頭向臍蟲出自淨

治蛔蟲攻心腹痛

出本草

右取薤苢根二斤切水七升煮取三升先食盡服之其蟲死盡出

療蛔蟲心痛積年久不瘥

右用取苦酒五合燒青錢二文令赤安酒中又別取  
鷄子白一顆却去錢漚著酒中頓服瘥

治蛔蟲攻心痛

右以使君子任意喫

又方

出仁  
存方

右以鹽醋煮馬齒莧一椀空腹食之少時當盡下一  
方但生搗絞汁服當利惡物

療蛔蟲方

右以菉豆三升煮取濃汁麻子一大升研取汁一升許以下然後取汁半升和豆汁一升更煖令溫正發時即炙羊肉脯令熟先令嚥汁三五嚥即服之須臾當即吐或出利其蟲已消如帛練帶三二百條如未即盡更服即永絕一方服麻子汁效

治蛔蟲攻心楚痛宛轉欲死方

右濃搗地黃汁和麵煮作冷淘不用著鹽醋盡意食

啗之如一頓蟲不出再服食

治蛔蟲攻心如刺吐清水

右用龍膽一兩去頭剉水二盞煮取一盞去滓隔宿  
且不食平旦一頓服

療蛔蟲攻心

右取槐子樹上木耳燒灰為細末每服水調如棗許  
於正發時服若不止飲熱水一升蛔蟲出

療蛔蟲心痛惡心吐水

右用乾漆熬搗蜜和丸如梧子大每服十五丸日一

再服

貫衆散 治蛔蟲攻心吐醋水痛不能止

貫衆

一兩

鶴蝮

一兩

狼牙

一兩

麝香

一錢

蕪荑仁

一兩

龍膽

一兩

右細羅為散食前以淡醋湯調下二錢

通大小腸治蛔蟲攻心病

白麻油

一合

鷄子

兩顆半

芒硝

一兩

右三味攪勻服之少時即瀉

治寸白蟲

右取櫻桃東行根搗絞汁服之

治寸白蟲

右用綠礬一塊杵之為末溫漿水一盞生油五七點  
入同調五更初服

治寸白蟲

右用銀泥錫一彈子大以生麻油和丸南粉為衣作  
如餅子厚著竹紙裹熨斗火上焙乾出火毒候冷令



患病人五更初用丁香七粒同一餅細嚼令酒嚥下  
俟至晚腹痛如廁蟲盡出永不發

蠶蟲附論

夫五臟下唇内生瘡者其人喜服此蟲在下蝕其下部  
人不能知可服此藥蝕蟲藥不尔蠶蟲殺人凡蟲濕蠶  
者多是熱病後或久下不止或有客熱結在腹中或易  
水吐溫涼氣着多生此病亦有乾蠶不甚泄痢而下部  
瘡癢不問乾濕久則殺人凡濕得冷而苦利單煮黃連

及艾葉苦參之屬皆可用之若病人齒斷無色齒上白者或喜服煩憤不知痛癢處或有下痢急治下部不曉此者但攻其上不下部為意下部生蟲蟲蝕其肛肛爛見五臟便死燒艾於竹筒熏之

方

懊懣散 治濕蝨瘡爛殺蟲除蝨方

扁竹

五錢

藿蘆

雷丸

青箱

女青

桃仁

各三兩

右治下篩粥飲服方寸七日三加至二匕亦酒服

治濕蠶方

青黛

兩二

黃連

黃蘗

丁香

各一兩

麝香

二分

右治下篩以小棗丸內下部中日一度重者棗大和車脂二三合灌下部日二次

治濕蠶方

右取生薑刮皮斷理切之極熱研取汁一升半又以溫水一升半合和相得平旦空服仍削生薑二枚如蠶繭大以秋葉苦桃葉重包於塘灰火中燒令極熱

却內下部中食頃若濕盛者三旦作頻服無有不瘥  
殺道蠶赤痛又瘰方

右用杏仁熬令黃搗以綿塗導之

又方

右用雄黃吹在上良

治蠶蟲蝕下部

右以泥作甕以竹筒如大指一頭坐甕缸中一頭入  
下部孔中以鷄子大艾一團燒之以指作甕口吹之

要常令艾烟熏下部强人可益良久

治濕蠱方

黃連

生薑

各十兩

艾葉

八兩

苦參

四兩

右㕮咀以水一斗煮取三升分三服久者服三劑

薑蜜湯

治蠱

生薑汁

五合

白蜜

三合

黃連

三兩

右以水二升別煮黃連取一升去滓內薑蜜更煎取一升二合五歲兒平旦空腹四合日三

杏仁湯 治濕蜜

杏仁

五十枚

苦酒

三升

鹽

一合

右和煮五合頓服之小兒以意量服

阿膠湯 治蜜蟲蝕下部癢穀道中生瘡

阿膠 當歸

青箱子

炒各一兩

右麤搗篩每服五錢水一盞半入艾葉十餘片同煎至一盞去滓空腹午食近晚各一

治蟲蝕下部方

出千金方

胡粉 雄黃

右各等分為末著穀道中亦治小兒

治蟲已蝕下部吐盡腸穿者

右取長股蝦蟇青背者一枚鷄骨一分燒灰合吹向  
下部令深入數用大驗

治蟲狀如蠋牛食下部癢

用扁竹一把水二升煮煎五歲兒空腹服三五合隔  
一宿合明早食之尤佳甚驗

治下部蟲齧并三蟲

右杵梅桃葉一斛蒸之令極熱內小器中大布上坐則蟲死或以桃葉汁飲一升

療瘰癧瘡蜜

右以崑崙草搗汁單服一名草蒿即箱子草也

治百蟲入肉蜜蝕癢疥

出枚師方


右以繭鹵汁浸瘡

治瘡蜜無問去處皆治之

出枚師方



右以蝦蟇燒灰好醋作傅日三五度敷之瘰



普濟方卷二百三十九